

TE KURA KAUPAPA MĀORI O WAIRARAPA

TE PŪTĀTARA



MŌHĒNI WAHANGA 3 - WIKI 5 - 2024

TĒNĀ KOUTOU E TE WHĀNAU,

Nau mai ki to tātou mōheni tahi mō tēnei wāhanga! Tiro atu ki tō mātou whārangi pukamata mō ētahi atu pānui.

PG.3

HE PĀNUI

PG.4

He Kōrero nā te Tumuaki

PG.5

Te Aho Matua

PG.6

Ngā Uara

PG.7-12

Kura Pīpī Paopao

Kura nohinohi

Kura teina

Kura waenga

Wharekura

PG.13-14

Hākinakina

PG.15-17

Te Reo Māori

PG.18

Tutaki Kaimahi



HE PĀNUU



Te Kura Kaupapa Māori O Wairarapa
Hangi Fundraiser

Rarotonga
Senior Trip

\$8.00

When : Fri 13th Sept 2024

Where : 37 Johnson St, Mstn

Time : 4.30 pm

Enq : Leigh - 0277774310

Bank : 06-0689-0275775-12

Ticket No

KAKAHU HŌTOKE WINTER UNIFORM



Kō ēnei ngā kakahu Hōtoke e te whānau mō ngā wāhanga 2 & 3. Waea atu ki te Tari mēnā he pātai ōu.

Term 2 & 3 is Winter uniform please contact the tari if you have questions about uniform.

TE AHU O TE REO MĀORI TERENGA 2 2024

TE 12 O ĀKUHATA KI TE 06 O TĪHEMA

Piki mai rā, kake mai rā ki Te Ahu o te Reo Māori
He kaupapa whakawhanake reo e whakahaerehia ana e
Te Rōnanga Nui o Ngā Kura Kaupapa Māori o Aotearoa

NGĀ KAIKO O TE AHU O TE REO MĀORI TERENGA 2

Taumata 5
Aniwa Nicholas

Taumata 6
Rongomai Smith

Taumata 7
Takoha Ropati

09/10
ĀKUHATA

Wānanga Ā-Huitopa

Kaupapa: Te tūāpapa me Te Aho Matua
Kaikōrero: Rawiri & Renee Wright, Arapine Walker

PARAIRE 6PM - 8PM
RĀHOROI 9AM - 3PM

RĒHITA MAI KI TERENGA 2

Poumatua mo Te Ahu o te Reo Māori
Katarina Mako - katarina@runanga.co.nz

Poutari mo Te Ahu o te Reo Māori
Mamire McGarvey - mamire@runanga.co.nz

KURA REO O HURUNUIŌRANGI

HURUNUIORANGI MARAE | 457 GLADSTONE ROAD, GLADSTONE, WAIRARAPA
30.09.24 - 03.10.24 | UTU: \$150 | KA TUWHERA TE PAE REHITA HEI TE 12 AKUHATA

Māhina-a-Rangi
Huata-Harawira

Mei Manaia Matiaha

Whatahoro Cribb-Fox

Tamati Rimene-Sproat

Te Matāwai

Te Puni Kōkiri
MINISTRY OF MĀORI DEVELOPMENT



Ko te aroha te pou
Poupoua kia mau
Ko te aroha te po
Tiritiria kia ū
Kia mau
Kia ū
Haumi e
Hui e
Tāiki e



Tēnā tātou e te whānau,

E tika ana kia hoki atu ngā mahara ki a rātou kua rere ki tua atu o te ārai, te moe i te moenga roa tē whakaara anō, ki a Papa Sambo, ki a Koko Harry, waihoki ki te hunga kua riro atu ki te pō i ngā wiki tata nei, i ngā marama tata nei. Ki a koutou o te whānau Fox, koutou o te whānau Te Whare nei rā ngā roimata me te hupe o tō tātou nei whānau e mihi ana ki a koutou. Heoi, ka waiho rātou te hunga kua rere ki tua ki a rātou, ka tahuri anō ki a tātou te hunga ora e kawe ana i ngā moemoeā o a tātou tūpuna hei orangea nui mō te āpōpō. Nei rā ngā mihi maioha ki a koutou e kaha nei ki te tautoko i a tātou nei tamariki, otirā ko te tautoko i tō tātou nei kaupapa.

Kua tata mutu te whakahou o a tātou akomanga, ā, hei te 13-23 o Hepetema ka whakahoungia anō ngā whāriki ki roto i ngā akomanga, waihoki ki roto hoki o Hineari – tō tātou whare pukapuka hou. Ki te kore anō koe kia kite atu i a tātou akomanga 'hou' haere mai ki te tiroiro haere.

The refurbishment of our classrooms is nearing completion and from 13-23 September the new carpets will be laid in the classrooms and in our new library space – Hineari. If you haven't been in to check out the 'new' spaces, come in and have a look.

Akuanei ka whakarewa i tētahi kaupapa hou ki te whānau, ko Matua Rautia tōna ingoa. He kaupapa ātaahua rawa atu, he kaupapa hāpai ake i a tātou nei tamariki. Ka tū ngā akoranga mō te terenga tuatahi ki te kura hei a te Hepetema, waihoki ka whakarite akoranga anō mō te terenga tuarua hei a te wāhanga tuawhā. Akuanei ka puta ngā taipitopito kōrero.

Shortly, we will be running a new kaupapa for our whānau called Matua Rautia. This is a beautiful kaupapa with the purpose being to uplift our tamariki. The first intake will be run here at kura in September, a second intake will be run in term four. Details will be sent out in the next week.

Nāku iti nei, Pip

TE AHO MATUA

Tamariki wāwāhi tahā aratakina ki te mātāpuna o te mōhio, o te ora, o te maungārongo.

Whaia te iti kahurangi ki te tuohu koe me he maunga teitei.

Āhuatanga Ako

5.10 He mea tino nui te wahi ako hei whakaohooho i te wairua o te tamaiti ki ana mahi whakaako. No reira, kia kikii tonu te kura i nga mea whakaihihi i a ia, i nga mea pupuri hoki i te ha o te ao Maori. Me whakawhanui hoki tona wahi ako ki nga marae, ki nga ngahere, ki waenga parae, ki te taha moana, ki nga wharepukapuka, whare taonga me era atu whare whangai i te puna o te mohio.



"Ruia te taitea, Kohia te rangiura"

NGĀ UARA

He aha ēnei mea?

Ānei ētahi whakaaro mai i ngā ākonga...

Rangatiratanga

Ka titiro ki muri kia ahu whakamua ai tō tātou Reo Rangatiratanga. Ka kite i te taurira pai, me te tautoko. Ka rongō i te poipoi, te reo o a tātou tamariki, me te harikoa. Ka rāngona i ngā matāpono o Te Aho Matua, o te pono, me te manaakitanga.

Whanaungatanga

He whakawhanaunga ngā mahi i te kura. Kia kua e noho mokemoke tētahi taurira me mahi ngātahi. Kia tūwhera i o mātou ringa i ngā wā katoa ki ngā ākonga ahakoa ko wai.

Kotahitanga

Kia kotahi ngā mahi ā kura, kia kua e noho mokemoke tētahi ākonga. Me āwhina i ngā tāngata whakamā, amaemae anō hoki.

Pono

Ko te tangata e mahi ana i ngā mahi pono he tangata ka eke i roto i tāu oranga. Ka whakapono ahau ki ahau, ka aro ahau ki āku mahi kura.

Pīpī Paopao

Karapinepine te wāhanga 3. He mihi maioha ki a koutou ngā poupou o te kura, otirā tō tātou akomanga.

Nau piki mai ngā ākonga hou, me ngā whānau o ēnei tamariki, te whānau: Mason-Kingi, Pitman, Henare-Cuneen, Walker, me te whānau Ranger. E kore e mutu te mihi ki ngā kōhanga reo o tēnei taiororua e hāpai i ngā mahi ō kuia mā ō koro mā.

SCHOOL

Thank You!

NOHINOHI KURA

Te piko o te māhuri, tērā te tipu o te rākau.

I te mutunga o te wiki tuatahi i neke mātou o Kura Nohinohi ki tō mātou akomanga hou, te mīharo me te ataahua hoki o ēnei akomanga.

I tēnei wāhanga kei te kaha aro mātou ki o mātou pepeha, kia mōhio pai ai ia o ngā tamariki ki tō rātou ake pepeha.

Ānei te tauira:

Hoea mai te waka o _____ ki Aotearoa nei.

Tū ake au ki te tihi o _____.

Ka titiro whakararo ki ngā wai o _____.

Ka noho whakaruruhau au ki te marae o _____.

Ka mau au i te korowai o te hapū o _____.

Ka tū pakari, tū rangatira au mō tōku iwi o _____.

Kura Teina

Ahakoia he iti. He iti māpihi pounamu.
he kākano au i ruia mai i Rangiatea.
E kore au e ngaro.

Te Ira Tangata 1.1

Nō ngā rangi tuhāhā te wairua o te tangata. I tōna whakairatanga ka hono te wairua mw te tinana o te tangata. I tērā wā tonu ka tau tōna mauri, tōna tapu, tōna wehi, tōna iho matua, tōna mana, tōna ihi, tōna whatumanawa, tōna hinengaro, tōna āuahatanga, tōna ngākau, tōna pūmanawa. Na ka tupu ngātahi te wairua me te tinana i roto i te kōpu o te whaea, whānau noa.

Tēna tātou e te whānau

Nau mai te wāhanga toru o tēnei tau. Kua maha ā tātou kaupapa i tēnei tau, kāore e kore he maha tonu e whanga ana nei. Ko tō mātou kaupapa mō tēnei wāhanga ko Nga Taumahekeheke o te Ao (Olympics). Tino rawe ngā mahi, me ngā akoranga o ia tamaiti me āna kōrero mai i te kāinga i a rātou e mātaki ana i ngā Taumāhekeheke o te ao.

Mihi nui nā
Whaea Piri me
Whaea Marata



MAHI BY MAHI



I tēra wiki i tae ā tinana mātou ko Whaea Marata ko Whaea Ciarn ki te PLD o Mahi by Mahi. He wāhi ākona i ngā rauemi a Māhina Selby.

Mō te pānui me te tuhituhi. Kua whakamahi ki o mātou akomanga, kei te kite i ngā hua pai o ēnei mahi



Kura Waenga



Kei aku nui, kei aku rahi, tēnā koutou katoa. Kua tae mai a Hōtoke, ā, me te ātaahua hoki o Tararua me tōna korowai. Ahakoa tōna ātaahua, kua pā mai a makariri, kua māuiui haere a tātou tamariki. Nā reira kia kaha te whakamānawa i a tātou tamariki kia mau i ngā kākahu tika o te hōtoke. I tua atu i ngā āhuatanga o te makariri, e kaha tonu nei ngā tauira ki te whakatutuki mahi. He nui ngā kaupapa e haere ana i tēnei wāhanga ako o te tau nā reira kia mataara ki ngā pānui ka tuku atu.



WHAREKURA



Te Whare Wānanga o Waikato

Nō te ata o te Taite, tae mai ai a Kaneihana rāua ko Hirini ki te kōrero ki ngā tau 10-13 mō ngā āhuatanga ki te whare wānanga. I whakamārama i ngā momo tohu e tāea te whai me te hanga hoki. I kōrero mō ngā wāhi noho ki Waikato, ki Tauranga rānei. Whakamutunga i kōrero mō ngā karahipi hei hāpai i te ako.



WHAREKURA

Kapa Haka Ngāhuru-Mā-Rua

E whakariterite ana ā tātou tauira ki te tū ki te atamira, whakangahau ai ki te whakanui i te wiki o te reo Māori. Ko te pō whakangahau, whakawhanaunga ka tū ki Makoura.



Ngā Pū Kōrero

Tēnei te reo whakamiha ki a Melita rātou ko Sinead ko Jayden i tū ki Ngā pū kōrero ki Ōtaki. Mīharo ake nei ngā kōrero i puta, ā, ko te toa “Te Reo Māori”.

I eke pānuku a Jayden, ā, ka whakakanohi ia i te rohe o Te Ikaroa Rawhiti ki Turangawaewae Marae hei te Oketopa. Ka rewa te pōtae ki a koe Jayden!

E kī ana ngā kōrero o Te Aho Matua 6.12 Kia tū pakari kia tū rangatira ia hei raukura mō tōna iwi.



Ngā Pu Kōrero o Apopo

Empowering our rangatahi and fostering the next generation of speakers

Date: Thursday 10th October, 2024

Venue: Turangawaewae Marae, 29 River Road, Ngaruawahia

Hākinakina - Kura Tuatahi



Ngā Whakataetae Waka Ama o te Ao ki Hilo ki Hawaii




Te Aho Matua 3.2 He mahi nui tera te whai haere i ngā whakapapa hei here i ngā tamariki ki o ratou ake whānau, hapu, iwi, matua tupuna hoki. Tua atu o tenei ko te mohio ki ngā tuhonohono ki etahi atu o ngā iwi.

Hei te 11 o Akuhata, rere atu ai a Tuteremoana Tamakehu ki te moutere o Hawaii ki Hilo, ki reira whakataetae ai ki ngā whenua 30 i te reanga j19. I eke ai tana kapa a Te Rau Oranga o Ngāti Kahungunu Waka Ama ki ngā whakataetae ā-motu o Aotearoa, ka haere hei māngai mō Aotearoa. Ko ngā whakataetae he 500m me te 1000m. Ka tae atu ngā toki o ngā toki ki tēnei whakataetae nā reira kua whakapou kaha a Tuteremoana ki te whakapakari tinana kia eke ki ngā tihi teitei o Mauna Kea, o Mauna Loa, o Te Moananui-ā-Kiwa! Ia wīkene ka tere atu ia ki Te Matau-ā-Maui ki te whakangūngū, ka noho atu ki tēnā me tēnā whare e wātea ana kia manaaki i a ia. He kaupapa whakahirahira tēnei mā Tuteremoana, e tū pakari ana hei māngai mō Aotearoa, otirā Wairarapa me tā tātou kura. Ko te wawata ā te whānau Tamakehu kia ākina, kia whakarite huarahi e haere atu ētahi anō tauira ki ēnei momo whakataetae. Ki Te Hoe!




Pangakupu



parakuihi
ipu
pereti
hīrere
mahi
whakapaipai
pūkoni
maheni
iPapa

Kaurukutia!



AKE AKE AKE
A FOREVER LANGUAGE
KIA KAHA TE REO MĀORI

Give Te Reo a Go!



AKE AKE AKE
A FOREVER LANGUAGE
KIA KAHA TE REO MĀORI

ReoMāori^{CO}_{NZ}

Mōrena — Good morning

Ngā mihi o te ahiahi — Good afternoon

Ngā mihi o te pō — Good evening

Kia pai te rā

Have a good day

Haere rā — Goodbye (*speaker is staying*)

E noho rā — Goodbye (*speaker is leaving*)

Mā te wā — Bye for now / see you later



AKE AKE AKE
A FOREVER LANGUAGE
KIA KAHA TE REO MĀORI



TE TAURA WHIRI
I TE REO MĀORI
MĀORI LANGUAGE COMMISSION

Kia ora — Hi / hello / thank you (*informal*)

Tēnā koe — Hello (*to one person, formal*)

Aroha mai! — Sorry / excuse me!

Āe — Yes

Kāo — No

Ko... tōku ingoa

My name is...

Kei te pēhea koe?

How are you?

Nau mai, haere mai ki... — Welcome to...

Kei te pai — Good

Kia ora rawa atu — Thanks so much

Tutaki

KAIĀWHINA
KURA WAENGA

NGAHUIA TATE



Ko Tokipūhuki te maunga
Ko Manga Pu, Manga Tea,
Manga Rama ngā awa
Ko Tainui te waka tapu
Ko Mōtiti te Marae
Ko Puta-i-te-muri te hapū
Ko Ngati Maniapoto te iwi

Ko Nga-Huia Tate toku ingoa. I tipu ake au ki konei i te nuinga o taku tamarikitanga, ki Whakaoriori, nō reira, ki au, ko tēnei toku kainga tuarua. He raukura au nō te kura o Rawhiti. E kaingākau ana ahau ki te ao Māori me ona tikanga. Waimarie ana ahau ki te hoki mai ki tēnei kura hei kaiāwhina, ki te tautoko ngā mahi katoa o te kura me te hāpori anō hoki.



Ko Josh Tate toku hoa rangatira. Tokowhā a māua tamariki. Ko Phillip (8), ko Daniel (6), ko Nina-Rose (4) rātou ko Stephen (2). Kei tēnei kura a Phillip rāua ko Daniel e ako ana. Ko tā maua ko Josh hiahia, kia haere mai a rāua teina ki tēnei kura hoki kia ako i nga āhuatanga katoa o te ao Māori. Heoi anō, kia hono rātou ki te ao Māori kia mohio rātou, ko wai rātou.